


沂州府志
(乾隆)
一

ISBN 988-978-316-9



二〇〇六年三月

中國海疆舊方志

選題組織策劃：蝠池書院出版有限公司

發行者：蝠池書院出版有限公司

出版者：蝠池書院出版有限公司

香港九龍旺角花園街二十六號好景商業中心二十三樓二三〇九室

電話：〇〇八五二一六五五九二三七〇

傳真：〇〇八五二一三三八八九〇〇

定價：人民幣 九五〇〇〇元（全書共三百一冊）

沂州府志

中國海疆舊方志

沂州府志序

沂州蓋禹貢青徐地其升為郡
自雍正十二年始領一州六邑
顧州邑皆有志而郡特闕如一
切物情風尚與凡名臣碩彥之
奇蹟異能雜見於經籍者雖尚

可考而求其上下古今彙為一
集卒未之覲豈真倨吏少文抑
操筆者之難其選也長壽李君
復庵以賢能守茲土公退之暇
斐然有述作之志乃延方聞之
士而徵引採摭得卷三十六分

門下有五既成問序於余余惟
今之郡守即古之侯伯其志乘
即侯伯之國之史自非大義謹
嚴鮮不為有識所議故鄭樵以
為難能曩余脩官詞苑奉

勘明史及一統志恒凜此意為

競也夫考獻徵文歷朝不免而
近學陋生枕經靡史或自詡賅
洽踈脫實多若體例未精謬訛
尤甚人之才亦不可強而度量
之相越亦遠也雖取辦一時難
以信今而傳後今此志之作也

事核而文詳目張而經舉有開
設之美無冗濫之條蓋諸君子
才擅三長郡伯又從而增損焉
將與施武子之志會稽范致能
之志吳郡堪以並傳非徒脩採
風者之關覽且令後之人按轡

披圖瞭如指掌其裨益豈淺鮮哉昔朱子守南康甫下車即徵郡志論者以為急所先務余謂若李君者非有得於先賢之遺意者歟

乾隆庚辰春三月既望

博學宏詞出身通議大夫山東按

察使仁和沈廷芳謹撰



序

自雍正十二年併沂莒兩直隸州
并所領縣置沂州府其境東濱海
東南鄰江南之海沐宿遷西界滕
泗新泰北接臨朐諸城縱橫各五
百餘里蓋兼青徐二州地春秋齊
魯莒邾郕費根牟顓臾陽向鄆
鄆蒲姑舊城其山則有琅琊馬陵

梁父云々峴弁艾龜蒙羽浮來馬鬣著
萬松之勝其水則有東海之大沂沭
涑洳汶墨濰浯之深且長溫湯漏澤
孝源狗跑諸泉之奇而著其人則
有太公望曾子仲子原子澹臺子公
明儀于定國疏廣疏受蕭太傅匡稚
圭貢禹劉虞諸葛瑾亮王祥王覽
羊祜王導逸少子敬羊欣顏含常

山魯公劉穆之蕭穎達王褒徐陵
焦弱侯之瑰偉絕特其風俗則敦龐
力食桑土繁滋雖地多隳阡風氣勁
急唐李白廳壁記稱君子以才雄自
高小人則鄙野難治此亦舊染或然今
承平熙洽百數十年漸摩

聖化類皆駉歌學道愛人易使沂介南北
之交固居然一望郡也戊寅春余來

監司單車巡歷俯仰山水之崇深
瞻訪昔賢之故里勞民疾苦與父
老咨嗟軼事輒低徊留之不能去
既而太守李君進曰是郡改置以來
未有志守土者甫草創脫稿願是
正之余捧而莊誦欣見其考據精
詳體例嚴謹隱揚合義繁簡中節
喟然曰職方掌故此稱良已至於山